

Թեամբ աւետարանին զիս առանձին խրատա-  
կան բանիւ է պահեալ որպէս ասէ .

Մայրն զտղան ի յարզանդին 45  
Կրեալ աշխատի իննեակ ամսին .  
Եւ վարժապետն աշակերտին  
Ուսուցանէ զինն երանին :

Չորրորդ, զի մայրն յետ ինն ամսոյն  
տղան ծնանի . նոյնպէս վարժապետն իմ յետ 50  
ինն երանութեան խրատելոյն միտք իմ պայ-  
ծառ ծնանի :

Մայրն ծնեալ ի խանձարրի ,  
Տղայն մտեալ ' հոգ աշխարհի .  
Եւ վարժապետն աշակերտի 55  
Ունայն ասէ փառք աշխարհի :

Հինգերորդ, զի թէ ինն ամիսն պակաս  
լինի որ ծնանի, տղան չէ ապրելոց : Նոյնպէս  
վարժապետն իմ առ իս ասէր, թէ մինն յինն  
աստիճանաց պակաս լինի, որ ոչ կատարես , 60  
չես ապրելոց յաւիտենից հրոյն :

Պակաս աւուրբք ծընեալ մանկան  
Եւ ութնամսեայ մեռեալ ծընան .  
Ծընողք նորա զուր աշխատան  
Ցաւ եւ երկունք նոցա մընան : 65

43 առ յանձին A: — 45 տղան A: — 46 աշխատի]  
յաշակերտ A: — 47 յաշակերտին A: — 53 խանձարրի A:  
— 54 տղան A յաշխարհի AB: — 55 աշակերտին A: —  
56 յաշխարհի AB: — 57 հինգերորդ A: — 59 առ յիս  
AB ի ինն A: — 60 աստիճանաց B: — 61 չէ B: —  
65 ծնանողք... աշխատեցան B: